

Cantares

Cantar de los Cantares quijtosnequi “nopa huicat cati más yejyetzzi”. Ni amatapohuali quiپیا chicuase huicat ten se telpocat huan nopa ichpocat cati yaya mocuilía. Quemantica nopa ichpocat quicamanalhuía nopa telpocat huan quemantica nopa telpocat quicamanalhuía nopa ichpocat. Huan quemantica quincamanalhuíaj sequinoc. Salomón quijcuilo ni amatapohuali. Xiquelnamiqúi para ya ni se huicat huan amo techpohuilía se cuento ten tamanti cati panotiyajque. Techilhuía cati quimachiliyayaj ipan iniyolo ni ome cati moicneliyayaj. Icamanal TOTECO techilhuía para se tacat huan se sihuat cati motahuicaltijtoque quixnextíaj quenicatza TOTECO mohuica ihuaya iisraelita masehualhua. Huan para tojuanti tianeltocani ama technextilía quenicatza Cristo mohuica ihuaya itiopa.

Cantares camanalti ten se teicnelijcayot cati yejyetzzi, tapajpactic huan tatzejtzeltotic. Ni huicat camanalti xitahuac ten quenicatza eltoc ica se tacat huan isihua.

Cantares quiپیa chicuase partes:

Cantares 1:1—2:7 Nopa achtohui huicat

Cantares 2:8—3:5 Nopa ompa huicat

Cantares 3:6—5:1 Nopa expa huicat

Cantares 5:2—6:3 Nopa najpa huicat

Cantares 6:4—8:4 Nopa macuilpa huicat

Cantares 8:5—14 Nopa chicusempa huicat

1 Ya ni nopa huicat cati más yejyetzzi cati quicualtali Salomón.

Nopa achtohui huicat

Nopa ichpocat huica:

²“Techzoponisquía ica mocamapampa más cuali motaicnelil que xocomecat iayo. ³Nelía ajhuiyac motaajhuiyacayo. Motoca nojquiya ajhuiyac quej se taajhuiyacayot pampa nochi quimatij tijhijtihualajtoc cati senquisa cuali. Yeca tahuel mitzicnelíaj nochi sihuame. ⁴Tanahuatijquet, techhuicasquía mohuaya. Techhuicasquía ipan mochaj.”

Sihuame ten Jerusalén huicaj:

“Típaquij miyac para totanahuatijca. Itaicnelilis eltoc más cuali que xocomecat iayo. Yeca tahuel quiicnelíaj nochi sihuame ipan icaltanahuatil.”

Nopa ichpocat quinilhuía nopa sihuame:

⁵“Ansihuame ten altepet Jerusalén, na niyayahuic, pero niyejyetzzi. Nelía niyayahuic quej iniyoyoncalhua iixhuihua Cedar, pero niyejyetzzi quej icortinas Salomón.

⁶“Amo techcualancaitaca pampa niyayahuic pampa techtatijtoc tonati. Noicnihua cualanque ica na huan techtalijque para ma niquinmocuitahui xocomeca milme huan yeca amo huelqui nimomocuitahui na.”

Nopa ichpocat quicamanalhuía nopa telpocat masque yaya huejca itzotc:

⁷“Techilhuisquía ta cati nimitzicnelía, ¿canque tiquinmocuitahuía moborregojhua? ¿Canque tiquinsiyajquetza ica tajcotona? Pampa amo quinamiqui nimocuapolojtinemis quej se nitacanenca sihuat huan fiero ninesis quema

niajsis campa inintapiyalhua mohuam-poyohua.”

Sihuame ten Jerusalén huicaj para nopa ichpocat:

8“Sinta amo tijmati canque itztoc, ta cati más tiyejectzi ten nochi yejectziti sihuame, xiquintoquili iniicxihua nopa borregojme hasta campa itztoque nopa sequinoc tamocuitahuiani. Nopona xiquinmocuitahuí moborregojhua campa quichijchijtoque inixajcal para tijmatis canque itztoc yaya cati tiquicnelía.”

Quema qui pantijque nopa ichpocat, nopa telpocat quiijtohua:

9“Ta cati nimitzicnelía, nimitzita para tahuel tiyejectzi. Tiitztoc cati más yejectzi ten nochi ichpocame quej icahuayo Faraón eltoc más cuali ten nochi cahuayojme huan quitilanaj icarro. 10Nelia yejectzi mocampa. Huan mopijpilol achi más quinextía moyejca. Moquechuayo nesi yejectzi ica nopa costi cati timotalilijtoque ica nopa piltetzitzi cati nelcuajcualtzi. 11Timitzchihuilise pijpiloli cati tahuel yejectzi ica oro huan campa hueli tijtatzquilitilise plata para timotalililise.”

Nopa ichpocat moilhuía ten nopa tanahuatijquet huan quiijtohua:

12“Quema nopa tanahuatijquet nopa mosehujtoyca campa imesa, notaajhuiyacayo ten nardo mijyotiyaya yejectzi huan tamahuayaya campa hueli. 13Para na, yaya cati niquicnelía eltoc quej se quechti ten nopa taajhuiyacayot mirra cati nochipa huiyontoc noyolixco. 14Itztoc quej se tzonti nopa xochit ten alheña ten nopa xochimili ipan altepet En Gadi.”

Nopa telpocat quiijtohua:

15“Tahuel tipilyejectzi, ta cati nimitzicnelía. Quena, tahuel tiyejectzi. Moixteyolhua nesi quej ome pilpalomajtzi.”

Nopa ichpocat quiijtohua:

16“Nelia tiyejectzi ta cati na nimitzicnelía. Quena, nelia ticuali.”

Nopa telpocat quiijtohua:

“Yejectzi campa timotecaj para timosiyajquetzaj ipan ni sacapetat cati

xoxohuic. 17Ni tiocuame eltoc quej nopa cuatetomit ten tochaj huan nopa tapamit eltoc ni cuame ten ciprés.”

Nopa ichpocat quiijtohua:

2“Na niitztoc quej se xochit ten Sarón. Quena, niitztoc quej nopa xochit lirio cati onca ipan tamayamit.”

Nopa telpocat quiijtohua:

2“Quema ta cati nimitzicnelía timopantía inihuaya sequinoc ichpocame, tiitztoc quej se xochit lirio cati mopantía campa huitzti.”

Nopa ichpocat quiijtohua:

3“Quema ta cati nimitzicnelía timopantía tatajco sequinoc tacame, tiitztoc quej se manzana cuahuit cati mopantía inihuaya sequinoc cuame. Nelia techpactía nimosehuis itantita nopa manzana cuahuit para ma techcahuili. Huan nelía tzopelic nijmachilía itajca. 4Ta techhuicac ipan mochaj cati yejectzi campa onca nochi cati cuali para ma nijcua hasta niixhuis. Nopona techtachili ica motaicnelijcayo para nochi quimatise techicnelía. 5Techfuerzajmaca ica tortas ten xocomecat itajca cati huactoc huan techtamaca ica manzanas pampa tahuel nijnequi motaicnelililise. 6Xijitali momaarraives tatzinta ten notzonteco huan ica momanejmat technajnahua.”

Nopa telpocat quincamanalhuía nopa sihuame ipan ichaj:

7“Ansihuame ten altepet Jerusalén, xiquintestigojquetzaca nopa masame huan cuachacaltziti cati nemij cuatita para amo anquicochsosolose nopa ichpocat cati niquicnelía. Xijcahuaca ma cochi hasta quema yaya quinequis isas.”

Nopa ompa huicac

Nopa ichpocat huica para cati quiijtantoc:

8“Ya huala yaya cati niquicnelía. Xiquitaca, ya huala. Nijcaqui para huitontihuala ipan cuatitamit huan campa tepeme. 9Yaya cati niquicnelía itztoc quej se oquich masat o se oquich cuachacaltzi. Xiquitaca, ya ajsico huan moquetztoc nocalixpa. Hualtachixtoc ipan noventana.

10“Huan yaya techilhui: ‘Ximijquehua ta cati nimitzicnelía, ta cati tipilyeyectzi huan ma tiyaca. 11Ya panoc tonali quema tahuel taseseya huan ayecmo taquiyahui. 12Nochi xochime ya cahuanij ipan cuatitamit. Ya ajsic tonali para huicase pilpalomajtzitzi. Quena, ya ajsic tonali para tatotonyas. 13Nopa higuera cuahuit ya quipixtoc itajca huan nopa xocomeca milme ya xochiyohuaj huan ajhuyiac mijyotíaj. Huajca ximijquehua ta cati nimitzicnelía, ta cati tahuel tiyeyectzi huan ma tiyaca.’”

Nopa telpocat quijtohua:

14“Tinopaloma cati timotatía ipan nopa teme cati huejhueyi huan campa mahuilili. Techcahuili ma niquta moxayac. Techcahuili ma nijcaqui motoscac cati eltoc quej nijcuasquía se tatzopelca-yot. Quena, tahuel techpactía nijcaquis motoscac huan niqutas moxayac.”

Nopa telpocat huan nopa ichpocat huicaj:

15“Xiquinmasiltica nopa cayochime cati pisiltzitzitzi cati quisosolohuaj toxocomecamil pampa toxocomecamil ya xochiyohua. Ma amo teno quisosolo to-tainelijcayo se ica seyoc.”

Nopa ichpocat quijtohua:

16“Nijmati yaya cati niqicnelía no-axca huan na niiaxca ya. Yaya quinmocuitahuía iborregojhua campa onca miyac xochit ten lirios. 17Xihuala ta cati nimitzicnelía huan ximocahua hasta taneisis huan mijcuenis tzintayohuilot, xihuala ta cati nimitzicnelía. Xiitzto quej se oquich masat o se oquich cuachacaltzi cati motalohua ipan tepeme.”

Nopa ichpocat temiqui para quitemohua nopa telpocat:

3 “Ica tayohua nijtemo ipan notapech yaya cati techicnelía. Nijtemo, pero amo nijpanti. 2Huajca nijmatqui nimijquejqui huan nijtemojtiyajqui ipan nochi nopa altepet. Nijtemo yaya cati niqicnelía ipan nochi calles huan campatianquis. Nijtemo, pero amo nijpanti. 3Huajca niquintatzintoquili nopa taca-

me cati quimocuitahuía nopa altepet huan niquinilhui: ‘¿Amo anquiitztoque yaya cati niqicnelía?’ 4Huan sanoc nipanotoya campa nopa tamocuitahuiani huan nijpanti yaya cati niqicnelía. Huajca niqitzi qui ipan imax huan ayecmo nijmalacani huan nijcalaquito ipan ichaj nonana.

5“Ansihuame ten altepet Jerusalén, xiquintestigojquetzaca nopa masame huan cuachacaltzitzitzi cati nemij cuatita para amo anquicochsolose nopa tel-pocat cati niqicnelía. Xijcahuaca ma cochi hasta quema yaya quinequis isas.”

Nopa expa huicaj

Sihuame ten Jerusalén huicaj:

6“¿Ajquiya ne cati huala ipan huac-toc tali cati nejnentihuala tatajco pocti cati moquetztoc? Motalilijtoc miyac tamanti taajhuiyacayot ihuaya mirra huan copali. 7Xiquitaca. Ya ne icuacarro Salomón. Quiyahualojtihualahui 60 soldados cati más yolchicahuaque huan más tapejpenilme ten tali Israel. 8Quinmactijtoque nochi injuanti cati quihualicaj machetas quenicatza tatehuise. Sesen ten injuanti motzinquechilpitoc imacheta para momanahuise ica tayohua quema mahuilili.

9“Nopa Tanahuatijquet Salomón mochihuili nopa cuacarro ica nopa cuame cati más cuajcualtzi ten tali Líbano. 10Nopa taquetzalme ipan icuacarro quichijchijqui ten plata huan icuitapantetonijca ica oro. Campa mo-sehuía qitali yoyomit cati moradojtic. Huan nochi calijtic ipan nopa cuacarro quiipiya se yoyomit tahuel yejyectzi cati nopa sihuame ten altepet Jerusalén quichihuili que ica inintaicnelijcayo.”

Nopa ichpocat quijtohua:

11“Ansihuame ten altepet Jerusalén^a, xipanquisaca huan xijtachiliquij ne Tanahuatijquet Salomón. Yaya quihuica ipan itzonteco nopa corona cati inana quichijchihuili para ma quitequi-

^a3:11 O Sion.

huis ipan ni tonali quema mosihuajtis. Ni tonali elis quema más quipiyas paquilisti.”

Nopa telpocat quiijtohua:

4 “Nelía tiyejyectzi ta cati nimitzicnelía. Tahuel tiyejyectzi. Moixteyolhua nesi quej ome palomajme cati motatijtoque iica moixtzajca. Motzoncal eltoc yejyectzi quej chivojme cati mahuiltíaj ipan nopa cuatitamit ten tali Galaad. ²Motancochhua eltoc nelchipahuac quej iniijhuiyo nopa borregojme cati yancuic quinxintoque huan quipajpac-toque. Eltoc senquisa cuali huan ajsitoc. Sesen ten inijuanti quipiya iixnamic huan yon se amo mopantía iseltitzi. ³Motenxipal nelía chichiltic quej icpat cati chichiltic. Mocamac tahuel yejyectzi. Mocampa nesi quej quitajcotejque se granada huan quitajtoque ipan sesen lado para motatise iica moixtzajca. ⁴Moquechcuayo eltoc quej nopa huejcapantic torre cati nelía cuali quichijchijqui David para ipan quiajocuisse tatehujica teposme. Nopona quicuapilotoque mil tepostzajcayome cati iniaxca itequipanojcahua cati más mosemacayayaj tatehuisse. ⁵Nopa ome mochichijhua eltoc quej ome cuachacaltzitzi cati cuateme cati tacuajtinemij campa onca nopa xochit lirio. ⁶Na niixtejcos ipan nopa tepet campa onca mirra huan nopa tachiquili campa onca copali hasta taneisis cuali huan ya panotos tzintayohuilot. ⁷Nelía tiyejyectzi, ta cati nimitzicnelía. Tiyejyectzi ten moicxihua hasta ipan motzonteco. Huan amo onca yon se tamanti cati amo cuali ipan ta.

⁸“Xihuala nohuaya, tinosihua. Xihuala nohuaya ten tali Líbano. Xitemo ten nopa tepet Amana huan tepet Senir huan tepet Hermón. Xitemo ten nopa cuatitamit campa onca leones huan leopardos. Xihuala nohuaya. ⁹Techichtequili noyolo, tinosihua, ta cati nimitzicnelía. Techichtequili san ica motachiyalis huan ica nopa costi cati timotalilijtoque moquehta. ¹⁰Nelía techpactía motainelijcayo, tinosihua, ta cati nimitzicnelía. Nelía tzopelic motainelij-

cayo hasta quipano nopa xocomecat iayo. Motaajhuiyacayo noja más ajhuiyac que nochi sequinoc taajhuiyacayome. ¹¹Tinosihua, motenxipal nelía tzopelic quej necti. Huan tatzinta ten monenepil quisa necti huan lechi. Huan moyoyo mijyotía ajhuiyac quej nopa cuatitamit huan tiocuame ten tali Líbano.

¹²“Tinosihua, tiiztoc quej se xochimili cati cuali tatzacti san para na. Tiiztoc quej se ameli cati cuali tzactoc huan quej se ameyalot cati san na noaxca. ¹³Tiiztoc quej se yejyectzi xochimili campa chamani nopa granada huan temaca itajca cati ajhuiyac para ma nijcua. Tiiztoc quej se cuamili ten alheña huan sequinoc tatzopelcayot cati más ajhuiyac, ¹⁴quej nardo huan azafrán, ohuat cati mijyotía ajhuiyac huan canela, huan nochi tamanti cuame cati temaca copali, mirra huan áloes. Nochi cati más ajhuiyac nijpantía ipan ta. ¹⁵Ta tiiztoc quej se ameli campa meya tahuel miyac at para quiatequis nopa xochimili. Tiiztoc quej se ameli cati temaca at cati cuali huan quimaca yancuic nemilisti cati quiiis. Techseselítía quej nopa at ten nopa pilatajtzitzi cati meya ipan tali Líbano.”

Nopa ichpocat quiijtohua:

¹⁶“Ma pehua ajaca nopa ajacat cati huala ica ajco huan nopa ajacat cati huala ica tatzinta. Ma tailpitzaquij ipan noxochimil. Ma quichihuaca ma momoyahua iajhuiyaca notacayo para quinotzas yaya cati niquicnelía ma huala huan ma quicua cati más tzopelic ten itajca.”

Nopa telpocat quiijtohua:

5 “Nica niiztoc. Nosihua, na niquita motacayo quej noxochimil cati san para na. Ta cati más niquicnelía huan nijpatiita. Se paquilisti para nijcuis notaajhuiyacayo ten mirra huan ten nochi sequinoc taajhuiyacayome cati nica nijpantía. Nijyecohua nopa necti ten na nosayolhua, huan niqui nopa xocomecat iayo huan nopa lechi cati noaxca.”

Nopa sihuame ten Jerusalén quiijtohuaj:

“Anto huampoyohua cati anmoicnelíaj, xitacuaca huan xiquica nochi cati anquinequij se ica seyoc.”

Nopa najpa huicac

Nopa ichpocat huica ten itemic:

²“Se tayohua na nicochtoya, pero noyolo amo cochtoya. Huan nijcochcajqui para yaya cati ni quicnelía techtazjtiziliyaya ipan caltemit, huan techilhuiyaya: ‘Techcaltapo, ta cati nimitzicnelía, tinopaloma cati más yejyectzi, ta cati más ni quicnelía huan nijpatiita. Notzonteco huan notzonal xolontoc ica nopa ajhuechti cati huetzi tayohua.’

³“Pero na ni quilhui: ‘Na ya nimoquixtili noyoyo, huajca monequis sempa nimoyoyontis. Ya nimoicxipajpajqui, huajca ¿tijnequi ma ni quinsiquihui sempa?’

⁴“Pero yaya cati techicnelía quicalaqui imax para caltapos huan ya nopa tahuel techyoltacani. ⁵Huajca nimoquetzqui para nijcaltapos yaya cati ni quicnelía. Huan ipan nomax huan nomacpilhua chipiniyaya taajhuiyacayot ten mirra hasta motalo ipan nopa teposti cati ica tijtzacuaj nopa caltemit. ⁶Huan quema nijcaltapo cati ni quicnelía, yaya ayecmo itztoya. Huajca nijmachili para nimiquis. Teipa nijtemo, pero amo nijpanti. Nijtzajtzili, pero amo technanquili. ⁷Huan techpantijque nopa tacame cati quimocuitahuíaj nopa altepet huan techhuitejque huan techcocojque pampa amo quimachilijque para ten ninemiyaya tayohua. Huan nopa tacame cati quimocuitahuíayaj nopa caltemit techcuilijque noyoyo cati ica nimopictoya.”

Nopa ichpocat quinilhuía nopa sihuame:

⁸“Ansihuame ten altepet Jerusalén, sinta anquipantíaj yaya cati ni quicnelía, xiquilhuica para nijmati nimococohua pampa tahuel nijnequi itaicnelil.”

Sihuame ten Jerusalén quiijtohuaj:

⁹“Ta tisihuat cati más tinelyejyectzi ten nochi sihuame, techilhui ¿taya más

quipiya yaya cati ti quicnelía cati sequinoc amo quipiyaj para techilhúia ya ni?”

Nopa ichpocat quihueyitalía ihuehue, quiijtohua:

¹⁰“Cati ni quicnelía yaya chipactic huan san yaya cati más yejyectzi ten majtacti mil tacame. ¹¹Itzonteco nesi quej senquisa oro, huan itzoncal ijilacatztic huan yayahuic quej iijhuiyo nopa cacalot. ¹²Iixteyol nesi quej ome pilpalomajtzitzi cati moquetztoque iteno se hueyat huan maltíaj ipan lechi. Tahuel yejyectzi iixteyol quej piltetzitzi cati quinquetztoque ipan itencuayo. ¹³Icampa eltoque quej xochime cati ajhuiyac mijyotíaj, huan itenxipal nesi quej se xochit lirio campaquisa taajhuiyacayot ten mirra. ¹⁴Iajcolhua eltoque quej teposti ten oro cati quieyjecchijtoque ica piltetzitzi cati itoca topacio. Huan itacayo eltoque quej marfil cati quicualchijchijtoque ica zafiros. ¹⁵Imetz eltoque quej nopa taquetzali ten mármol cati moquetztoc ipan senquisa oro. Quipiya fuerza quej nopa cuatitamit ten tali Líbano. Amo aquí seyoc quej ya. ¹⁶Nelía tzopelic icamac. Nochi ten ya senquisa cuali. Ansihuame ten altepet Jerusalén, quej nopa yaya cati ni quicnelía. Yaya cati nohuampo.”

Sihuame ten Jerusalén quiijtohuaj:

6 “Ta cati más ti yejyectzi ten nochi sihuame, ¿canque yajqui yaya cati ti quicnelía? ¿Canque mocajqui yaya cati ti quicnelía? Tojuanti tiyase mohuaya tijtemotij.”

Nopa ichpocat huica:

²“Yaya cati ni quicnelía yajtoc campaxochimil campanochi taajhuiyaxtoc. Yajqui quintamacato iborregojhua huan quitequito xochit. ³Na niiaxca ya cati techicnelía huan yaya noaxca na. Yaya quintamaca iborregojhua campanochi xochimili ten lirios.”

Nopa macuilpa huicac

Nopa telpocat quiijtohua:

⁴“Ta cati nimitzicnelía, nelía ti yejyectzi quej nopa altepet Tirsá. Quena, ti-

nelyeyectzi quej altepet Jerusalén. Tahuel techyoltilana para ma nimitzsenta-chilijto quej soldados cati yahuij para tatehuitij. ⁵Ayecmo techtachili pampa moixteyolhua techtantoque. Motzoncal eltoc quej nopa chivojme cati mahuiltíaj ipan nopa cuatitamit ten tali Galaad. ⁶Motancochhua nochi eltoc cuali. Sesen motancoch quiyiya ihuical huan yon se amo polihui. Eltoque chipahuaque quej nopa borreojme cati ya maltijtoque huan yahuij para quinximase. ⁷Mocampa chichiltic quej se granada cati motajcoitztoc. Quena, nelía ajhuiyac mocampa cati tijatijtoc itantita moixtzajca. ⁸Masque nihuelisquía nijtapejpenisquía ten 60 sihua tanahuatiani, o 80 noompa sihuajhua o tahuel miyac ichpocame, ⁹san ta nimitztapejpenisquía, ta tinopaloma. San ta tiiyojtzí ten nochi sihuame nijnequisquía, ta cati tieltoc quej tiiyojtzí cone monana. Quema mitzitaque nopa ichpocame ten altepet Jerusalén san mitztachilijque. Nojquiya nopa sihua tanahuatiani huan nopa ompa sihuame mitzhueyimatque. Quiijtojque: ¹⁰‘¿Ajquiya ne cati monextía quej nopa tonati cati pejtoc quisa ica ijnaloc? Nelía yejyectzi quej nopa metzti cati noja monextía ipan ilhuicac. Teipa hualpetani quej itaahuil ne tonati. Tahuel techyoltilana para ma nijsentachilijto quej soldados cati yahuij para tatehuitij.’

¹¹“Na niyajqui campa nopa cuamili ten nueces para niqitas sinta taxoxohuiya ipan nopa tamayamit. Nijnejqui niqunitas sinta chamaniyayaj nopa xocomeca milme huan sinta ya quistoc ixochiyo nopa granadas. ¹²Teipa ayecmo nijmatqui taya panoc huan nimo-macac cuenta para niyahuiyaya ipan notepos cahuayo cati nomasehualhua quipixtoyaj para niinintanahuatijca.”

Sihuame ten Jerusalén quiijtohuaj:

¹³“Ximocuepa, tisulamita ichpocat, ximocuepa. Ximocuepa pampa tijnequij timitzitase.”

Nopa telpocat quiijtohua:

“¿Para ten anquinequij anquiritase ne sulamita?”

Sihuame ten Jerusalén quiijtohuaj:

“Tijnequij tiquitase quenicatza yejyectzi mijtotía.”

Nopa telpocat quiijtohua:

7 “Nelía yejyectzi nesi moicxihua ipan motecac, ta tiichpocat cati nimitzicnelía. Quinamiqui tiitztos ipan ichaj se tanahuatijquet. Motzinquechta nesi quej se tacualnescayot cati quichijchijtoque ica cati senquisa oro. Nesi quej quicuallali se cati nelía quimati. ²Moxic nesi quej se taza cati nochipa temitoc ica xocomecat iayo. Moijti nesi quej se tamontomit ten trigo cati qiyahualojtoque ica xochit. ³Mochichijhua nesij quej ome cuachacaltziti cati cuateme. ⁴Moquechcuayo nesi quej se torre huejcapantic ten marfil. Moixteyolhua cahuanij quej nopa ome piletas cati eltoc ipan altepet Hesbón, nechca nopa caltemit Bat Rabim. Moyacatzol eltoc quej nopa torre huejcapantic ipan tali Líbano cati tachixtoc ica campa altepet Damasco. ⁵Motzonteco nesi yejyectzi quej nopa tepet Carmelo. Motzoncal nesi quej icpat cati chichiltic. Ica motzoncal cati tijxinepalojtoc techmasil-tijtoc na, nitanahuatijquet.

⁶“Ta cati nimitzicnelía, nelía tiyejyectzi huan nelía techpactía motaicnelil. ⁷Timoquetza yejyectzi quej se epachi cuahuit huan mochichijhua eltoque quej ome quechti ten itajca xocomecat. ⁸Na nimoilhui: ‘Nitejcos ipan ne apachij cuahuit huan nimoaxcatis itajca. Huajca mochichijhua elise quej itajca apachi cuahuit huan moijyoyo mijyotis quej manzanas cati ajhuiyac. ⁹Mocamac nelía tzopelic quej nopa xocomecat iayo cati más ajhuiyac cati hualtemo ipan motenxipal huan motancoch.’”

Nopa ichpocat quiijtohua:

¹⁰“Na niixca yaya cati techicnelía, huan yaya tahuel quinequi itztos nohuaya. ¹¹Xihuala nohuaya ta cati nimitzicnelía. Ma tiyaca campa cuatitamit. Ma titonilitij campa onca miyac xochit ten alheña. ¹²Ica ijnaloc tiyase campa toxocomeca milhua para tiquitase sinta ya quipixtoc itajca. Tiquitase sinta ya xochiyo-

huan nopa granada. Huan nozona na nimitzmacas notaicnelijcayo. ¹³Nopa mandrágoras mijyotía yejectzi huan techfuerzajmacase. Huelis tijchihuase ten hueli tamanti cati tijnequise pampa miyac tamanti cuatacti mochiya. Huelis tijchihuase cati yancuic o cati ya ipa tijchijtoque. Nochi cati cuali nicajoctoc para ta cati nimitzicnelía.”

Nopa ichpocat quijtohua:

8 “Nelia cuali sinta tieltosquía tinoicni cati quichichitijosquía nonana. Quej nopa, quema nimitzpantisquía campá hueli nimitztzoponisquía huan amo aquí techpinajtisquía. ²Huan na nimitzhuicasquía huan nimitzcalaquisquía ichaj nonana huan ta techmachtisquía. Huan na nimitzmacasquía nopa xocomecat iayo cati quiپیya taajhuiyacayot. Huan nimitzmacasquía iayo no granadas cati más tzopelic. ³Huan moarraves tijtalisquía tatzinta ten nozonteco huan ica momanejmat technahnahuasquía.”

Nopa ichpocat quincamanalhuía nopa sihuame:

⁴“Ansihuame ten altepet Jerusalén, nimechilhuía amo xijcochosoloca cati niqicnelía. Xijcahuaca ma cochi hasta quema yaya quinequis isas.”

Nopa chicusempa huicat

Nopa sihuame ten Jerusalén quijtohuaj:

⁵“¿Ajquiya ne cati motatzquilijti huala iajcoltipa yaya cati quicnelía?”

Nopa ichpocat quijtohua:

“Na nimitzixiti itzala se manzana cuahuit campá monana quipixqui ta cuajcualocayot quema mitztacatilti. ⁶Techtatzquilti ipan moyolo quej se sello huan techhuica nochipa ipan moajcol quej se tanextilijcayot para techicnelía. Pampa nelía chichahuac nopa taicnelijcayot cati nijmachilía huan eltoc quej miqulisti pampa amo hueli nijtzacuilis. Tahuel nimitznequi huan nopa taicnelijcayot eltoc quej se tit cati cahuani ixochiyo

pampa tahuel tata. ⁷Masque quitequilisquía tahuel miyac at amo huelis quisehuise nopa tilemecti ten taicnelijcayot. Yon amo huelis quisehuise masque huilasquía ipani nochi pilatajtzitzi. Huan sinta se tacat quinequisquía quicohuas nopa taicnelijcayot cati nijmachilía huan techtaxhahuisquía ica nochi iricojyo cati quiپیya, amo quiaxilisque huan san nijpinahualtisquía.”

Icnihua nopa ichpocat quijtohuaj:

⁸“Tijpiyaj se tosihua icni cati noja pisiltzi. Ayemo chichihualquisa. Huajca ¿taya tijchihuase sinta hualase quijtaniquij? ⁹Sinta yaya momocuitahuía ica telpocame, huajca tijfuerzajmacase. Sinta yaya quinselía telpocame, tijyahualose ica huapalme ten tiocuahuit para amo huelis quiajsise.”

Nopa ichpocat quijtohua:

¹⁰“Na nimomocuitahujtoc huan ama nijpiya nochichijhua quej torres cati huejcapantique. Huan yeca yaya cati techicnelía paqui ica na.

¹¹“Salomón, tijpixqui se xocomeca mili ipan Baal Hamón cati tiqincahuili sequinoc ma quimocuitahuica ica se taxtahuili. Huan quema ajsiyaya tonali para quitequise itajca, sesen ten inijuanti mitzmacaj mil plata tomi. ¹²Pero ica nopa xocomeca mili cati noaxca na, nica eltoc ni mil plata tomi cati nijpiya, nochi eltoc para ta Salomón. Huan nopa 200 plata tomi ya niqinmacac nopa tacame cati quimocuitahuiyayaj.”

Nopa telpocat quijtohua:

¹³“Ta cati nimitzicnelía, ta cati titzotc ipan xocomeca milme, nochi mohuampoyohua quipajcacaquij motoscac pampa tahuel yejectzi. Huan na nojquiya techcahuili ma nijcaqui.”

Nopa ichpocat quijtohua:

¹⁴“Ximoisihuilti ta cati nimitzicnelía. Ximotalojtihuala quej se hueyi masat o quej se cuachacaltzi ipan nopa cuatitamit cati temitoc ica taajhuiyacayot.”